



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Broj: 01-GV-04-334-15/24

Sarajevo, 21.02.2024. godine

Shodno odredbama člana 31. stav (1) tačka b) Statuta Grada Sarajeva („Službene novine Kantona Sarajevo“, broj 7/23) i člana 148. Poslovnika Gradskog vijeća Grada Sarajeva („Službene novine Kantona Sarajevo“, br. 28/09, 11/20 i 19/20), na 36. sjednici Gradskog vijeća Grada Sarajeva, održanoj dana 21.02.2024. godine, **gradski vijećnik Jasmin Ademović** je uputio inicijativu sljedećeg sadržaja

Potrebno je da Grad Sarajevo pripremi kandidaturu za Omladinske olimpijske igre 2032. godine do sljedeće sjednice, te je potrebno da se Gradsko vijeće o istoj izjasni na sljedećoj sjednici.

PREDSJEDAVAJUĆI GRADSKOG VIJEĆA

Jasmin Ademović, s.r.

Dostaviti:

- Gradskom vijeću Grada Sarajeva
- Gradonačelnici
- evidenciji
- a/a

Adresa: Hamdije Kreševljakovića 3
71 000 Sarajevo
Tel.: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba



VEDAD DELJKOVIĆ
Gradski vijećnik u Gradskom vijeću
Grada Sarajeva

Bosna i Hercegovina-Federacija Bosne i Hercegovine
Kanton Sarajevo - GRAD SARAJEVO
GRADSKO VIJEĆE

PRISLJEŠEN:	25 MAR 2024		
Gr. št.	01	Prilog	Vijećnik
01-GV-04-458/24			

GRADSKO VIJEĆE GRADA SARAJEVA
PREDSJEDAVAJUĆI GRADSKOG VIJEĆA

Predmet: **Inicijativa**

U skladu sa članom 148. Poslovnika Gradskog vijeća Grada Sarajeva ("Službene novine Kantona Sarajevo", broj 28/09, 11/20 i 19/20), podnosim sljedeću

INICIJATIVU

Potrebno je da gradonačelnica Grada Sarajeva razmotri mogućnost izdvajanja finansijskih sredstava u iznosu od 10.000,00 KM na ime finansijske podrške Udruženju boraca "Crni labudovi".

Obrazloženje

Ratna uloga "Crnih labudova" bila je od velikog značaja, a epiteti koji se istoj mogu dati su prije svaga: hrabra, patriotska, časna i nesebična.

"Crni labudovi" su obzirom na svoj sastav, bili multietnička jedinica i krasila ih je istinska ljubav prema domovini za čiju nezavisnost su se hrabro borili.

Udrženje "Crni labudovi" kroz svoje djelovanje i aktivnosti nastoji očuvati sjećanje na sve ono što se dešavalo u prošlosti, a poseban akcenat u tom su svakako šehidi – poginuli borci ove jedinice.

Obzirom da je u toku izdavanje knjige "Šehidi – poginuli borci jedinice Crni labudovi", mišljenja sam da Grad Sarajevo kroz finansijsku podršku na način kako sam predložio, treba dati svoj doprinos u konačnoj realizaciji ove ideje i na taj način omogućiti da ova knjiga ugleda sjevitlo dana, te bude dostupna što većem broju čitalaca.

Uzevši u obzir naprijed navedeno podnesenu inicijativu smatram opravdanom, te molim da se Gradsko Vijeće o istoj izjasni u skladu sa članom 148. stav (3) Poslovnika Gradskog vijeća, kako bi postala Inicijativom Gradskog vijeća.

GRADSKI VIJEĆNIK
Vedad Deljković

Sarajevo, 21.03.2024. godine

VEDAD DELJKOVIĆ
Gradski vijećnik u Gradskom vijeću
Grada Sarajeva

GRADSKO VIJEĆE GRADA SARAJEVA
PREDSJEDAVALJUĆI GRADSKOG VIJEĆA

Bosna i Hercegovina - Federacija Bosna i Hercegovina
Kanton Sarajevo - GRAD SARAJEVO
GRADSKO VIJEĆE

Priloga broj:	25. MAR 2024	
Org. jed. broj	Priloga	Broj predloga
01-GV-04-459	24	

Predmet: Inicijativa

U skladu sa članom 148. Poslovnika Gradskog vijeća Grada Sarajeva ("Službene novine Kantona Sarajevo", broj 28/09, 11/20 i 19/20), podnosim sljedeću

INICIJATIVU

Potrebno je da gradonačelnica Grada Sarajeva razmotri mogućnost izdvajanja finansijskih sredstava u iznosu od 5.000,00 KM na ime sufinansiranja kupovine knjiga za potrebe biblioteke Srednje škole za tekstil, kožu i dizajn Sarajevo.

Obrazloženje

Srednja škola za tekstil, kožu i dizajn je osnovana davne 1960. godine. Jedina je škola u cijeloj Bosni i Hercegovini koja se isključivo bavi edukacijom učenika iz oblasti tekstila, kože i obuće. Jedna je od najpoznatijih škola iz ove oblasti u cijeloj regiji. Škola se nalazi u samom srcu Sarajeva nedaleko od Baščaršije. Ova škola ima moderno uređene kabinete za izvođenje opće-obrazovne i stručno-teoretske nastave, kao i biblioteku u pogledu koje se nastoji obogatiti bibliotečki fond, a sve u cilju zadovoljavanja potreba učenika ove škole kao i radi potrebe praćenja noviteta u pogledu literature koja bi obogatila police školske biblioteke.

Uzevši u obzir naprijed navedeno podnesenu inicijativu smatram opravdanom, te molim da se Gradsko Vijeće o istoj izjasni u skladu sa članom 148. stav (3) Poslovnika Gradskog vijeća, kako bi postala Inicijativom Gradskog vijeća.

GRADSKI VIJEĆNIK
Vedad Deljković

Sarajevo, 21.03.2024. godine

28 MAR 2024	
01-GS-02	470/24

GRADSKO VIJEĆE GRADA SARAJEVO
n/r Jasmin Ademović, predsjedavajući GV
n/r Benjamina Karić rođ Londrc

Predmet: Inicijativa-opremanje dvorišta vrtića Kekec

Na osnovu člana 19. Poslovnika Gradskog vijeća („Službene novine Kantona Sarajevo“, broj 34/08, podnosim Gradskom vijeću vijećničku inicijativu

Da se opremi dvorište vrtića Kekec neophodnim mobilijarom

Obrazloženje:

Vrtić Kekec je jedan od većih vrtića na području Općine Novo Sarajevo i ima najviše vrtićkih grupa od jaslica do predškolskog uzrasta. Posjeduju veliko dvorište koje nema dovoljno dječije opreme da bi djeca mogla provoditi vrijeme na zraku i vaspitačice su primorane djecu odvoditi u obližnje dječije parkove. Smatram da bi opremanjem dvorišta i obnovom postojećeg mobilijara usrećili djecu i omogućili im boravak na svježem zraku i igri sa svojim drugarima.

Obzirom da je na 38. sjednici planiran Prijedlog izmjena i dopuna Budžeta za 2024. godinu očekujem da će se pronaći sredstva za realizaciju,.

Vijećnica Gradskog vijeća

Danijela Šahat

Sarajevo, 26.03.2024. godine

26 MAR 2024

01-GV-02-470-1/24

GRADSKO VIJEĆE GRADA SARAJEVO
n/r Jasmin Ademović, predsjedavajući GV
n/r Benjamina Karić rođ Londrc

Predmet: Inicijativa-opremanje dva logopedska kabineta ambulanta Hrasno brdo

Na osnovu člana 19. Poslovnika Gradskog vijeća („Službene novine Kantona Sarajevo“, broj 34/08, podnosim Gradskom vijeću vijećničku inicijativu

Da se nabavi neophodna oprema (digitalin logopedski set Behringer, logopedski set vibrafon, logopedske sonde, interaktivni panel,happy senzo sprej, didkatički materijal ...) za rad dva logopedska kabineta u AMBULANTI HRASNO BRDO.

Obrazloženje:

Već duže vrijeme logopodice rade bez neophodne opreme za rad sa djecom s poteškoćama u razvoju i govoru, mucanju, poremećaja iz autističnog spektra. Opremanjem navedenih logopedskih kabineta , rehabilitacija pacijenata kraće bi trajala, a samim tim bi se smanjile i liste čekanja.

Obzirom da je na 38. sjednici planiran Prijedlog izmjena i dopuna Budžeta za 2024. godinu očekujem da će se pronaći sredstva za realizaciju, a inicijativa je izglasana na Gradskom vijeću i postala je inicijativa Gradskog vijeća.

Vijećnica Gradskog vijeća

Danijela Šahat

Sarajevo,26.03.2024.godine



Adi Škaljić, vijećnik
KLUB VIJEĆNICA_KA NAŠE STRANKE

Bosna i Hercegovina-Federacija Bosne i Hercegovine
Institucija Sarajevo - GRAD SARAJEVO
GRADSKO VIJEĆE

26 MAR 2024	
Drž. j. broj	Drž. j. broj
01-00-02-474/24	

BOSNA I HERCEGOVINA
FEDERACIJA BOSNE I HERCEGOVINE
KANTON SARAJEVO
GRAD SARAJEVO
Gradsko vijeće Grada Sarajeva
n/r predsjedavajući, Jasmin Ademović

uputiti: gradonačelnica Benjamina Karić i
nadležna gradska služba

PREDMET: VIJEĆNIČKA INICIJATIVA

Poštovani_e,

Na osnovu člana 19. Poslovnika Gradskog vijeća Grada Sarajeva koji propisuje pravo vijećnika da podnosi inicijative, upućujem vijećničku inicijativu za **podizanje spomen ploče Mehmedu Meši Selimoviću na odgovarajućoj lokaciji, u blizini jedne od sarajevskih adresa na kojima je živio bosanskohercegovački književnik.**

OBRAZLOŽENJE:

Mehmed Meša Selimović (1910-1982), dobitnik je sljedećih priznanja: Šestoaprilske nagrade grada Sarajeva (1962. i 1967), Dvadesetsedmojulske nagrade Bosne i Hercegovine (1966) i Ninove nagrade (1967). Također, nagrađen je i Njegoševom (1969), te nagradom Avnoja (1970). Dva puta je odlikovan Ordenom Republike sa zlatnim vijencem (1969. i 1971).

Bio je profesor Filozofskog fakulteta u Sarajevu, gimnazije, te Behram-begove medrese u Tuzli. Počasni doktor Univerziteta u Sarajevu (1971). Od 1967. bio je dopisni, a od 1968. i redovni član ANUBiH. Također, od 1968. bio je dopisni, a od 1974. i redovni član SANU. Dužnost predsjednika

Udruženja književnika Bosne i Hercegovine obavljao je od 1962. do 1963. godine. Funkciju predsjednika Saveza pisaca Jugoslavije je obavljao tokom 1964. Godine 1943, bio je jedan je od osnivača najstarijeg bosanskohercegovačkog dnevnog lista Oslobođenje.

Generacije ljudi u našoj zemlji su odrastale uz književni opus Meše Selimovića. Uvršten je u lektire. Škole i ulice nose njegovo ime. U nekoliko gradova se nalaze i biste ovog književnika. Djela su mu prevedena, između ostalih, na arapski, engleski, estonski, italijanski, mađarski,

makedonski, turski, slovački, poljski, španski, švedski i francuski jezik. Derviš i smrt (1967) je preveden na tridesetak jezika. Ministarstvo obrazovanja Republike Turske je roman uvrstilo među 100 osnovnih djela koje ova institucija preporučuje.

Meša Selimović je živio u Sarajevu od 1947. do 1973. godine. U početku u stanu prijatelja i slikara Ismeta Mujezinovića. Potom u jednoj sobi svoga brata, a:

- od 1948. do 1960. u Ulici Vase Miskina br. 1 (Ulica Ferhadija), na prvom spratu.
- od 1960. do 1968 na adresi Višnjik br. 17. U tom je stanu nastao roman Derviš i smrt.
- od 1968. do 1973. živio je u Ulici Đure Đakovića br. 6a/II (Alipašina ulica).

Ni na jednoj od navedenih lokacija trenutno nema nikakvih obilježja koja svjedoče da je pisac živio na ovim adresama. Godinu 2025. obilježiti će 115. godišnjica od rođenja Meše Selimovića. Postavljanjem tri spomen-ploče na zidovima zgrada u kojima je živio, iskazat će se priznanje, obilježiti godišnjica, ali i ukazati na činjenicu da ovaj bosanskohercegovački velikan pisane riječi nije zaboravljen od Sarajeva, grada u kome je proveo veliki dio svoga života.

Adi Škaljić
Predsjednik Kluba Naše stranke

Sarajevo, 26.3.2024.